

## Eftirlit - Húðolía með jarðaberjabragði

Dagsetning	16. september 2021
Fyrirtæki	Birta CBD ehf.
Heimilisfang	Sóltúni 24, 105 Reykjavík
Kennitala	4708201440
Starfsemi	Smásala á snyrtivörum og sápum í sérvörslunum
Eftirlitsstaður	Netverslun <a href="https://birtacbd.is/">https://birtacbd.is/</a>
Fulltrúi fyrirtækis á vettvangi	Á ekki við
Eftirlitsmaður	Fífa Konráðsdóttir
Tegund eftirlits	Efnaeftirlit
Tengiliður fyrirtækis	Ingólfur Bragi Gunnarson

### SAMANTEKT

Umhverfisstofnun barst ábending símleiðis þann 21.06.2021 um snyrtivöru, sem fyrirtækið Birta CBD ehf. er ábyrg fyrir markaðssetningu á héraðs og býður til sölu á síðunni: <https://birtacbd.is/>, þess efnis að varan uppfylli ekki skilyrði laga og reglugerða um snyrtivörur. Þá fékk stofnunin framsenda ábendingu sama efnis frá Lyfjastofnun þann 28.06.2021. Umhverfisstofnun fór í rafrænt eftirlit með snyrtivörum hjá Birtu CBD ehf. þann 8.9.2021 og bað um sýnishorn af vörunni sem var móttekið þann 15.09.2021. Varan reyndist ekki uppfylla kröfur sem settar eru fram í þeim lögum og reglugerðum sem falla undir umfang eftirlitsins og hefur Umhverfisstofnun krafist úrbóta af hálfu fyrirtækisins.

### MERKING HUGTAKA OG SKAMMSTAFANIR

Merking eftirfarandi hugtaka og skammstafana sem notuð eru í skýrslunni er sem hér segir:

**CPNP:** Cosmetic Product Notification Portal eða Snyrtivöruvefgátt ESB þar sem nýjar snyrtivörur á markaði eru tilkynntar í samkvæmt reglugerð (EB) nr. 1223/2009 um snyrtivörur.

### MARKAÐSSETNING SNYRTIVARA

Snyrtivara, sem er boðin fram á markaði, skal vera örugg fyrir heilbrigði manna við eðlileg eða sæmilega fyrirsjáanleg notkunarskilyrði. Ábyrgðaraðili fyrir markaðssetningu vöru skal halda um hana vöruupplýsingaskjal, sem m.a. inniheldur öryggismat til staðfestingar á því að varan sé örugg til notkunar.

Ábyrgðaraðila ber skylda til að tilkynna snyrtivörur í snyrtivöruvefgátt ESB (Cosmetic Product Notification Portal) áður en þær eru settar á markað samkvæmt 40. gr. efnalaga nr. 61/2013 og reglugerð nr. 577/2013 um snyrtivörur sem innleiðir reglugerð (EB) nr. 1223/2009 sama efnis.

Almennar upplýsingar sem þarf að skrá í snyrtivöruvefgátt (CPNP) eru:

- Flokkur og heiti vöru
- Nafn og heimilisfang ábyrgðarmanns og samskiptaupplýsingar
- Upprunaland snyrtivöru
- Ríki innan EES þar sem markaðssetja á snyrtivöru
- Ljósmynd af vöru/umbúðum
- Mynd af miða á umbúðum og/eða sýna texta á umbúðum. Allar skyldubundnar merkingar eiga að sjást á miðanum

Aðrar upplýsingar um hvað þarf einnig að skrá í CPNP má finna í 13. gr. reglugerðar (EB) nr. 1223/2009 um snyrtivörur.

## MERKING

Samkvæmt reglugerð nr. 577/2013 og 19. gr. reglugerðar (EB) 1223/2009 um snyrtivörur skulu merkingar þeirra vera á íslensku, ensku eða Norðurlandamáli öðru en finnsku. Notkunarskýrði og varnaðarorð í dálki (i) í III., V. og VI. viðauka reglugerðar skulu vera á íslensku, með undantekningum varðandi viðvörunarmerkingar vegna flúorinnihalds í tannkremi og ef merkingin er eingöngu ætluð til að taka fram að í snyrtivörunni sé tiltekið innihaldsefni.

Upplýsingar sem eiga að koma fram á íláti og umbúðum snyrtivara eru taldar upp í 19. gr. reglugerðar(EB) 1223/2009 um snyrtivörur og eftirfarandi atriði þurfa að koma fram á merkimiða :

- Nafn og heimilisfang ábyrgðaraðila
- Upprunaland ef um innflutta snyrtivöru er að ræða
- Magn við þökkun (þyngd eða rúmmál)
- Dagsetning geymslupols skal koma fram á eftir ákveðið tákni fyrir stundarglas (mánuður og ár eða dagur, mánuður, ár) ef geymslupól er minna en 30 mánuðir
- Ef opnun umbúða hefur áhrif á geymslupól skal ákveðið tákni fyrir opið ílát vera á umbúðum (fjöldi mánaða eða ára skal setja inn í eða við táknið)
- Notkunarskýrði og varnaðarorð á íslensku skv. III. viðauka reglugerðar (EB) 1223/2009
- Númer framleiðslulotu eða tilvísun
- Hlutverk snyrtivöru ef það er ekki augljóst á söluumbúðum
- Skrá yfir innihaldsefni í lækkandi röð eftir hlutfalli vöru
- Heiti innihaldsefna skal vera samkvæmt INCI nafnakerfi, sé það til, annars samkvæmt öðru viðurkenndu nafnaefni. Öll innihaldsefni á formi nanóefna skulu tilgreind á umbúðum.
- Ilmefni má merkja sem „ilmefni“ eða „lyktarefni“ (parfum/perfume/aroma)

## INNIHALDSEFNI

Efni sem talin eru upp í II. viðauka reglugerðar (EB) 1223/2009 er bannað að nota í snyrtivörur. Efni sem talin eru upp í III. viðauka reglugerðar (EB) 1223/2009 eru aðeins heimilt að nota í samræmi við fyrirmælin sem þar koma fram. Í viðaukum með reglugerðinni eru listar með litgjöfum og rotvarnarefnum sem heimilt er að nota.

### UMFANG EFTIRLITS

Umhverfisstofnun barst ábending um að snyrtivaran ÓSK 25% full spectrum húðolía uppfylli ekki skilyrði varðandi merkingar á umbúðum. Umhverfisstofnun vísar í bréf stofnunarinnar, dags. 8.9.2021, þar sem kynnt var eftirlit með snyrtivörum í kjölfar ábendingar sbr. hlutverk Umhverfisstofnunar með framkvæmd efnalaga nr. 61/2013 og reglugerðar nr. 577/2013 um snyrtivörur. Eftirlitið fór fram samdægurs og var markmið þess að skoða hvort varan uppfylli kröfur varðandi merkingar og umbúðir, skráningu í snyrtivöruvefgátt og markaðssetningu snyrtivara sbr. 40 gr. efnalaga.

### NIÐURSTAÐA EFTIRLITS

Eftirtaldar vörur sem falla undir umfang eftirlitsins voru skoðaðar:

Vara	Strikamerki
ÓSK 25% full spectrum húðolía	Ekki til staðar

### FRÁVIK<sup>1</sup>

Vara	Lýsing	Birgir <sup>2</sup>
ÓSK 25% Full spectrum Húðolía	<p>Í CPNP er skráð vöruheitið „ÓSK CBD dental care oil“ sem er ekki í samræmi við það sem kemur fram á umbúðum vörunnar, þ.e.a.s. „ÓSK 25% Full spectrum Húðolía“. Samkvæmt 13. gr. snyrtivörureglugerðar (ESB) nr. 1223/2009 á að tilkynna flokk snyrtivörunnar og heiti í CPNP svo hægt sé að sanngreina hana sérstaklega.</p> <p>Frávik á umbúðum sbr. 19 gr. snyrtivörureglugerðar nr. 1223/2009:</p> <p>Heimilisfang ábyrgðaraðila vantar á umbúðir vörunnar.</p>	Birta CBD ehf.

<sup>1</sup> Framkvæmd telst ekki í samræmi við kröfur sem settar eru fram í lögum eða reglugerðum

<sup>2</sup> Framleiðandi, innflytjandi, eftirnotandi eða dreifandi með staðfestu á Evrópska efnahagssvæðinu sem setur efni á markað, hvort sem það er hreint, í efnablöndu eða í hlutum.

**ÁBENDINGAR**

Óheimilt er að fullyrða í auglýsingum og öðrum svipuðum viðskiptaaðferðum að snyrtivara hafi tiltekna eiginleika eða virkni sem hún hefur ekki, sbr. 33. gr efnalaga nr 61/2013. Samkvæmt 9. gr. efnalaga er það hlutverk Neytendastofu að hafa eftirlit með auglýsingum og viðskiptaháttum og því er ábending um kynningu vörunnar á heimasíðunni <https://birtacbd.is/>, þar sem fram koma skammtastærðir CBD olíu ef hún er innbyrt, sem gæti verið villandi fyrir neytendur, send Neytendastofu til þóknanlegrar meðferðar.

Reykjavík, 16. september 2021

---

Fífa Konráðsdóttir